



Datum: 07.06.2018.god.
Broj: 02-44-00002/18

Općinsko vijeće
Donji Vakuf

**PREDMET: Informacija o stanju zaštite od požara i vatrogastva na području
Općine Donji Vakuf.**

1. CIVILNA ZAŠTITA

U sastavu Službe za društvene djelatnosti, opću upravu i civilnu zaštitu, kao što se iz samog naziva Službe vidi nalazi se resor civilne zaštite.

Poslovi i zadaci civilne zaštite u 2017. godini vršeni su u skladu sa normativnim aktima općine, te drugim zakonskim i podzakonskim propisima.

Uposlenici civilne zaštite raspolažu sa dva kancelarijska prostora u zgradi općine od kojih je jedan kancelarijski, a drugi magacinski prostor.

Unutar kancelarijskog prostora redovne radne zadatke obavljaju dva uposlenika općine, i to:

- Kosovac Mirsad, Stručni savjetnik za oblast civilne zaštite i
- Purivatra Saudin, viši referent za oblast civilne zaštite.

Uposlenici civilne zaštite su redovne radne aktivnosti usmjeravali na rješavanje redovnih radnih zadataka koji se ogledaju u oblasti vezano za zaštitu i spašavanje ljudi i materijalnih dobara od prirodnih i drugih nesreća, kao i zaprimanje i izvještavanje po normativnim aktima pristiglim od viših nivoa vlasti.

2. VATROGASNA JEDINICA

Društvo je registrovano kao Udruženje građana vatrogasno društvo Donji Vakuf.

Unutar Vatrogasnog društva egzistira Vatrogasna jedinica Donji Vakuf.

U Vatrogasnoj jedinici uposlano je pet profesionalnih vatrogasaca sa položenim vatrogasnim ispitom, od čega dva vatrogasca su Rukovodioci akcije gašenja požara.

Aktivnosti iste se provode kroz obezbijedeno 24 satno-g dežurstvo, te brzu popunu i izlazak na teren po eventualnoj dojavi o izbijanju požara.

Jedinica raspolaže sa tri vatrogasna vozila od kojih su dva navalna i jedno prateće i vozilom sa korpom za potrebe gradske rasvjete. Sva vozila su starosti preko 30 godina i neophodno bi bilo iznalaženje značajnih finansijskih sredstava za obnovu voznog parka. Sa ostalim materijalno tehničkim kao i ličnom opremom oskudno su snadbjeveni i iziskuje potrebu za potpunom istom, interventno sa potrošnim sredstvima kao što su vatrogasna crijeva, spojke isl.

3. PROCJENA UGROŽENOSTI I PLAN ZAŠTITE OD POŽARA

Okvirnim Planom zaštite i spašavanja od prirodnih i drugih nesreća općine Donji Vakuf, između ostalih, obhvaćena je i zaštita od požara.

Članom 16. Zakona o zaštiti od požara i vatrogastva („Službene novine SBK“, broj 15/12) regulisano je da Općina donosi Plan zaštite od požara općine, i osigurava njegovo realizovanje. Takođe se kao zasebni akt izrađuje i donosi i Procjena ugroženosti od požara općine Donji Vakuf.

Obzirom da pored raspoloživog ljudskog potencijala na izradu Plana zaštite od požara i Procjene ugroženosti od požara obavezan je angažman ovlaštenog Pravnog lica za izradu Plana zaštite od požara i Procjene ugroženosti od požara za područje općine Donji Vakuf, član 5 i 6 Pravilnika o kriterijima za kadrovske, tehničke i druge uslove koje moraju ispunjavati pravna lica registrovana za obavljanje poslova iz oblasti zaštite od požara („Službene novine FBiH“, broj 69 od 6.9.2013. godine) i uskladi ga sa Zakonom o zaštiti od požara i vatrogastva („Službene novine SBK“, broj 15/12).

U kontaktu sa Ovlaštenim predstavnikom za izradu i usklađivanje naprijed pomenuti akata za područje općine Donji Vakuf, informisani smo da izrada takvih dokumenta košta za Općinu naše veličine između 12.000 i 15 000 KM.

Pošto Općina Donji Vakuf na godišnjem nivou raspolaže sa skromnim budžetskim sredstvima u prosjeku od oko 75 000 KM koja se planiraju u skladu sa Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine FBiH“, broj 46/05) i iz istih nismo u mogućnosti palanirati sredstva za izradu akata za područje općine Donji Vakuf.

4. FUNKCIONISANJE SISTEME ZAŠTITE OD POŽARA

- Saradnja sa ŠPD „Srednjobosanske šume“ Donji Vakuf

ŠPD „Srednjobosanske šume“ Donji Vakuf ima formiranu i opremljenu vlastitu jedinicu za gašenje šumskih požara. Po potrebi i u rijetkim slučajevima vrše angažovanje VJ Donji Vakuf i učestvuju u nadoknadi troškova koji nastanu u toku same intervencije VJ Donji Vakuf na gašenju šumskih požara.

- Raspoložive snage

U skladu sa Odlukom općinskog načelnika formirana je specijalizovana jedinica za gašenje požara koja se sastoji od tri odjeljenja.

Prilikom formiranja iste vodilo se računa o sastavu, te su u njen sastav pored profesionalnih vatrogasaca uključeni i vatrogasci koji su ranijih godina bili u sastavu VJ „Janj“ Donji Vakuf.

Ista jedinica do danas nije upotrijebljena u punom sastavu iz razloga što nismo imali požara značajnijeg obima od momenta formiranja jedinice do danas.

Odlukom načelnika općine formirana je Služba za zaštitu od požara općine Donji Vakuf. U sastav iste su uključeni vatrogasci uposleni u Udruženju građana Vatrogasno društvo Donji Vakuf.

Napominjemo da ista služba nije opremljena ličnim zaštitnim sredstvima i materijalno tehničkom opremom, te da su Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća planirana sredstva u iznosu od 10.000,00 KM, a realno očekujemo i pomoć kantonalne Uprave za CZ u opremanju ove Službe.

- Aktiviranje VJ Donji Vakuf

Do aktiviranja i upotrebe VJ Donji Vakuf dolazi u slučaju dojava o izbijanju požara i u određenim slučajevima, kao što je ŠPD „Srednjobosanske šume“ po dobijanju saglasnosti za intervencijom.

U svim drugim slučajevima VJ Donji Vakuf po dojavi izlazi na lice mjesta i interveniše u skladu sa svojim skromnim mogućnostima, te tehničkim i ljudskim potencijalom.

5. OSTALA PITANJA

- Upotreba VJ Donji Vakuf u pravnim subjektima općine Donji Vakuf. Služba za društvene djelatnosti, opću upravu i civilnu zaštitu će sagledati mogućnost oživljavanja Fonda za vatrogastvo, isto je naloženo na sjednici općinskog štaba CZ-e, i na taj način riješiti problematiku zaštite od požara pravnih subjekata sa područja općine, čime bi se ostvarila i određena materijalna sredstva za postepenu popunu opremom i eventualnu obnovu voznog parka vatrogadnog društva.

Informaciju sastavili:
Mirsad Kosovac i
Saudin Purivatra

